

А.С. Пушкин «Репкэ»

Автор: Нэгэтэ үбгэн абын репкэ хуулгахадань, тэрэнь томоһоо томоор ургаба. Репкээ газарһаа хугалжа абаха саг болобо: татана-татана, хугарха юм бэшэ. Үбгэн аба хүгшөөгөө тухалхыень дуудаба.

Дед: -Хүгшөө ерыш наашаа, тухалыш намдаа!

Бабка: Ямар тарган, томо репкэ ургаа гээшэб.

Автор: Хүгшөө үбгөөгөө, үбгөө – репкээ: татана, татана, хугарха юм бэшэ.

Бабка: - Пээ, энэш ямар хүндэ юмэн юун бэ. Аша басагаяа дуудая.

Автор: Хүгшөө аша басагаяа дуудаба.

Бабка: - Аша басаган, ерыш наашаа, тухалыш маанадтаа.

Внучка: -Хүгшэн эжы, юун бэ? Таа намай дуудаа гүт?

Бабка: - Тиимэ, би шамай дуудааб.

Внучка: - Яагаа томо репкэ юун бэ!

Бабка: - Зай, репкээ татая.

Автор: Аша басаган хүгшөөгөө, хүгшөө – үбгөөгөө, үбгөө – репкээ: татана, татана, хугарха юм бэшэ. Аша басаган Жучкээ дуудаба.

Внучка: - Жучкэ, хаанабши? Ерыш наашаа бидэндээ.

Автор: Жучкэ аша басагые, аша басаган - хүгшөөгөө, хүгшөө – үбгөөгөө, үбгөө – репкээ.

Жучка: -Зай, нэгэн, хоер, гурба, дүрбэ, таба!

Автор: Татана, татана, хугарха юм бэшэ.

Жучка: - Угы, энэ репкээ яжа татажа абахамнайб?

Автор: Жучкэ миисгэйгээ дуудаба.

Жучкэ: - Миисгэй, ерыш наашаа.

Кошка: - Юун хэрэгтэйб?

Жучкэ: - Маанадтаа тухалышта.

Автор: Миисгэй Жучкые, Жучкэ аша басагые, аша басаган - хүгшөөгөө, хүгшөө – үбгөөгөө, үбгөө – репкээ: татана, татана, хугарха юм бэшэ.

Автор: Миисгэй хулганаае дуудаба.

Кошка: - Хулгана, ерыш наашаа түргөөр. Маанадтаа тухалыш.

Автор: Хулгана миисгэйе, миисгэй Жучкые, Жучкэ аша басагые, аша басаган - хүгшөөгөө, хүгшөө – үбгөөгөө, үбгөө – репкээ: татана, татана, одоошье хугалба.

